

山
中
一
夕
話

山中一夕話卷之五

阜吾先生編次

十二姬傳

劉鴻

有天游道人。姓文字君房者。遺落紛糾。醺酣騷雅。作室數楹于栖雲之塢。邈遠居第。蕭然自適也。或者過而問之曰。子之居此久矣。比而居拉而遊。所與處者誰歟。道人曰。庭有嘉樹。砌有茂

草。琴清風鏡明月。如斯而已。惡乎與處。或人曰。莫見乎隱。莫顯乎微。子毋我欺。我自知之。子有寵姬十二人。昕夕起處。跬步不離。而謂予曰。無子其欺予哉。子不告我。吾將歸語細君。告子之妻。長忿激妬。子其無恐。道人乃不得已而告之。曰。托交形骸之外。寄情骨肉之中。達者信之。衆人疑焉。吾之所謂姬妾。非子之所謂姬妾也。雖河東獨孤。且與之處。將相忘而不厭有餘。又得

而妬之乎。予又何以憐予。夫十二人之事。他欲代之而不可。他之所爲者。十二人亦不能也。士二人各事其事。亦不容以互爲也。請言其始終。其一曰管氏字妙龍。管故文章家。系出渭川。瀟湘之間。亦多其支族。娶毛氏。姬生長喙而銳上。精書法。善紀錄古今文字。初首髮盡白。近得友姬妙香。以其術治之。浸黑。然性剛不任頓挫。故香不能竟其術。而故態猶若爾也。其次曰蔡氏。

字妙素剡溪人。先世有諱倫者。以製作名。子孫
布滿天下。姬身體輕便。玉色明瑩。好着白苧衫。
子同宮。龍管二人尤愛重之。暇日龍爲之染衣。
管爲之畫眉。其記輯聯屬。一與管同。然卷書邊
幅。非所及也。其次卽龍氏。字妙香者。遠祖山弘。
農郡。本朝盛于鳳陽徽歙之間。而姬之生實
在泰和。龍文明其父也。母烏氏。姪姬時。誤飲黑
水。生姬。身面如漆。而肌肉潤滑。頗事妝飾。金碧

燦爛。吾時時臨池上。見其徐行。芳塵飄揚。烟雲
四起。訝其非塵世中人行。坐好。以琴自隨。然不
聞其鼓也。次石氏。字妙端。本端溪故族。因以名
焉。先世有封石鄉侯者。姬性方整。重厚堅確。靜
專。在諸姬中。塊然若無爲。而皆不能不以資焉。
時好衣白。稍或衣紫。龍氏與之同寢處。遂與俱
化。尤平易寬恕。管氏日造之。叩問。亹亹不厭。次
曰陶氏。字妙清。本舜之後。自大河之濱來。徙江

南羊爲龜鹿羊馬之戲嗜飲水雖寒永滿腹充然若有所得推其餘潤往往以授石氏石氏竟不知氏屢請屢給之傾倒罔靳其賢如此次日曰妙才本古刁子之後性堅利善裁製妙素事爲有不解者必資而後行雖痛之不少恕次日丁氏妙通系出戰國時毛遂之後與刁氏同宗而異派在諸姬中最少而銛銳穎出蔡氏頗忌之嘗罵曰利口婢不利于我妙通徐出解之曰妹

弱且鈍然頗善臨集家事。姊性散適無我其何
以爲助。姊謂妹利口。姊外曾以屬何人。姊何尤
焉。蔡聞之謹受。次妙妍。蜀郡人或曰堯子丹朱
之後。好事服飾。緋衣絳裙。身不少去。然舉止羞
澁。每一召用。則頸汗骸下。面色發赤。道人閱其
情。十一用之。則能別白妍醜。又大好批點人。次
鍾氏字妙真。每與妙素處。執妹禮。見其飛揚衣
袂。卷卷則又曰。吾姊柰何其不靜耶。妙素帖服。

次賈氏妙高其先有諱鳥者好美筆於詩壇家
世氣習如故性樸實柔遜自歸道人少與之接
管氏所以其坦凌架之用事之餘至息肩憩足
於其身姬無言也次華氏字妙方性端直次祝
氏妙蘭善區畫二人每出同功祝有所爲華氏
先爲之嚮導詰蔡氏斟酌長短廣狹之勢既定
祝乃徐起咨妙香以行一一爲之區別管氏最
鋒銳見其欸製密而有方循循不敢少越道人

每屬酣醉。揮掃豪放。不樂其匡諫。則怒曰。奈何
真男子。受制一婦人。况一寵乎。妙蘭退不敢應。
則私謂其同列曰。我以直道事夫子。不能委曲。
將順至此。蔡氏曰。凡祝之所以處我者。皆端方
正直之事。姊無或迫於檢束。而讒於主君。幸無
相拂也。自是皆服其有度。於是相與敘坐于文
房。曰。石氏惟汝鄭重有體。絕而不校。澀而不繼。
恬退若愚。未嘗干寵。宜位元姬。特賜其字。曰善。

端以別于衆。對曰。卽墨之姿。碌碌無補。何以堪此。再拜謹辭。曰。匪色之珍。惟德之珍。惟汝諸次。曰。蔡汝性坦易。在衆中。不干預他事。柔而有刑。汝其居石之亞。又召鍾曰。汝靜以爲德。鈍以爲工。位汝三。以抑躁競。又召華氏曰。本地之方。運坤之直。汝德惟肖。其位四哉。祝氏起而請曰。妾雖不才。與華同工。何位之下。曰。來。汝妙蘭。有方之用。無方之體。其視華相去幾何。位汝五宮。祝

遂歛衽而退。又召龍氏曰：「守黑于中，有如其面。」
位汝六宮，以勵忠恪。又召陶曰：「清守口如瓶，
量入爲出，滿而不溢，儉慎哉！」泄我機事，汝位
次七。又召管曰：「紀事則核，納言類讒，默而識之，
如蔡者難。」位汝八宮，以戒僥言。又召朱曰：「妙妍
升頰春融，赤心事主，位汝九宮。豈德之涼，惟以
色之故。」又召賈氏曰：「妙高婦儀，止止。」屹然山峙。
文氏之家，政無涉焉。位汝十宮，尤貴於用事者。

又召刁氏而告之曰。臨事有哉。如金如鐵。多言
如鋒。我抑汝。次之十一。又曰。丁銳矣哉。子之
求進也。直爾躬人。則爾容如汝之深刻何。如汝
之利口何。位十之二。允若茲。汝毋後言。既而十
一人相與羅拜于后氏之前曰。妾不敏。承主君
之教命。敢忘盡心於所事。后氏偃伏而答曰。一
室之中。同工異曲。毋忘毋嫌。以介景福。諸姬由
是心孚意契。各事迺事。而道人顧指氣使。無不

得志焉者。一日以告。烏有夫人。夫人曰。淑哉。石氏之德。妾之所不如也。願一見之。遂并諸姬。攜與俱歸。處之終身不厭。或曰。子之所謂姬妾。不亦迷子之志。亂子之神矣乎。曰。不比不迷。不溺不亂。遊于文房。樂于藝苑。是何傷哉。遂錄以貽好事者。

巾妖慨

長干里人

髻髮惟冠。禮垂上古。崇巾爲飾。製筆漢文。方頭巾戴於太白。咸稱李供奉之清標。烏角巾賦於東坡。爭傳蘇學士之高致。謝奕應辟而岸幘。豈曰失常。郭泰遇雨而折角。非緣立異。奈何世以創見爲新奇。敢爲異服。士以循常爲俗套。罔識正冠紫微巾。皆云起自唐時。四明巾悉稱製因晉室。垂纓飄蕩如練鵲尾。挂在肩旁。縫頂漫圍。

若青魚頭果於額上或高至尺餘。崔崔鬼鬼狀。同放作之鐵鏈或濶逾數寸。遙遙邇邇形如無柄之齊紈。積學未登仕版。戴此以竊比於郎官。諺曰郎不郎之謂良有以也。讀書未入黌宮。戴此以自附於秀士。俚言秀不秀之說。豈無謂哉。山人不守草茅之賤。戴此以混跡於公卿。方技不安衮業之卑。戴此以猖狂於閭里。好色郎君。坐青樓擁紅粉佳人。自此張君瑞之態度。從藥

醫士向朱門對金華貴客。自疑孫思邈之丰神。甚者綴金結於當面。效魏侍中金蠅之儀。貫玉甌於兩旁。法漢東京玉笋之製。大傷雅道。頓起妖風。致使比閭族黨之夫。焉分貴賤賢愚之等。或以爲呂洞賓出世。則舉止疎慢。安有仙風。或以爲陳希夷再生。則體態輕狂。全無道骨。或以爲梓童下降。何竟無白鵲之與俱。或以爲張仙現形。胡不見雕弓之在手。酷似登場的優人。若

唱一隻黃鸝兒粉蝶兒焉分二樣又如抄化的
道者若打一回漁鼓兒木魚兒那見兩般復有
泛剽之夫共興奇巧之習頂本平兮而故尖其
頂形本方兮而故圓其形若比輪夫瓊帽但不
紅其色而簷則不捲若比孝子頭巾但不麻其
質而頂則如鉗不思既乖常服是素纓章鄭子
臧好聚鵲冠不來之災難免蜀王衍好聚尖巾
不祥之禍安逃古有明徵今宜知戒果能身備

道德。卽角巾私第而人皆敬畏。何必晉其中而
自同伶人之醜。胸藏甲兵。卽葛巾臨武而人聽
指麾。何必尖其頂而首蹈危腦之凶。更有三塊
合縫而束其半腰。以紗帽而非紗帽。黑青匾摺
而加以藍線。似凌雲而非凌雲。若晉巾則狹其
前而濶其後。方巾則釘其中而散其角。凡此異
服之徒。實悖先王之制。倘遭正服明主。若漢高
之溲溺其中。豈爲已甚。設逢識微達士。如伯夷

之望然而去。彼亦何辭。昔人指土木繁興者爲木妖。指禦疫自然者爲人妖。巾製異常若此。謂之巾妖也。不亦宜乎。余有感妖風之盛行。因援筆而爲世道之一慨。

別頭巾文

一衲道人

一戴頭巾。心甚歡。豈知今日。誤儒冠。別人戴你。
三五載。偏戀吾頭三十年。要戴烏紗求閣下。做
篇詩句。別尊前。此番非是。吾情薄。白髮臨期太
不堪。今秋若不登高第。踰碎冤家學種田。

維歲在大比之期。時當揭曉之候。訴我心事。告
汝頭巾。爲你青雲利器。望榮身。誰知今日白髮。
盈頭。戀故人。嗟乎。憶我初戴頭巾。青青子襟。承

汝枉顧昂昂氣。忻既不許我少年早發。又不許
我久屈待伸。上無公卿大夫之職。下非農工商
賈之民。年年居白屋。日日走營門。宗師案臨。膽
寒心震。上司迎接。東走西奔。思量爲你。一世驚
驚嚇嚇。受了若干辛苦。笑來一年四季。零零碎
碎。被人賴了。多少束脩銀。告狀助貧。分穀五斗。
祭下領票支肉半斤。官府見了。不覺怒嗔。早快
迎和。盡道廣文。南京路上。陪人幾次。東齊學朝。

惟吾獨尊。你看我兩隻旱靴穿到底。一領藍衫。
剝布筋。埋頭有年。說不盡艱難。懊楚。出身何處。
空歷過冷淡酸辛。賺盡英雄。一生不得文章力。
未沾恩命。數載猶懷霄漢心。嗟乎哀哉。哀此頭
巾。看他形狀。其實可矜。後直前橫。你是何物。七
穿八洞。真是禍根。嗚呼。冲霄鳥。今未垂翅。化龍
魚。今已失鱗。豈不聞久不飛。今一飛登雲。久不
鳴。今一鳴驚人。早求你脫胎換骨。非是我棄舊。

憐新斯文名器。想是追神從茲長別。方感洪恩。
知詞薄奠。庶其來歆。理極數窮。不勝具懇。就此
拜別。早早請行。

破綻帽歌

吳門散人

有介一隻山歌唱你儂聽新翻騰打扮弄聰明
也弗唱蒲鞋氍毹也弗唱直掇海青也弗唱
裙綾袴也弗唱香袋汗巾單題唱個頭上帽子
歷代幾樣翻新舊時作尖頂長號後來改子
頂鼓墩咦有纓子卽鎖密結瓦稜惟有小張
人頭上帽子戴又戴得個停當盃又盃得介
停光油油露出子杭州丫髻亮晃晃插起重

金簪後頭揸出子雙螭虎圈子。前頭挑起子九
針子。綢巾帽子帶得介長遠。年深月久。成精。忽
朝一日。頭上說話叫聲小張官人。我一跟跟你
兩三巡黃冊。你一戴戴我三三十個清明。春秋
四季。並弗曾盃頂紵絲羅帽。寒冬臘月。並弗曾
盃頂絨帽。總成你相交子多少。姤童科子。
陪伴子若干。監生舉人。看子多少。提偶扮戲遊
湖踏青。唱船裏人中顯貴。酒樓上開裏尊尊。捉

個猪苦膽去油教我受子多少。腌臢苦惱提個
百藥煎上色教我吃子多少。烏皂泥筋板刷常
常相會引線弗曾離身。一日子修理得介停當
戴出子閭門月城裏遇着子朋友說話聚集子
東西來往無數個閑人看呆子。山東販驢倭子
立痴子。江西販帽子個客人。江西老鄉談弗絕
蘇州歇後語連聲。十字街鱗龍玉烏紗冠。石皮
得介赤癩老弗識。波羅生荔枝圓重。夕得介忒

村口頭照子好像走差次身頭上草帽雨落濕
子好像壓匾介一個老人頭巾捻來手裏好像
拿緊介一隻偷瓜蛸落來地上好像蟲起來介
一隻刺毛鶯修驢帽見子一嚇洗綢巾吃子一
驚破靴羊毛換銅錢緝三問四賣花換簪豆弗
曾離門小張聽得幾句言語嚇得冷汗直淋立
來無人烟所在捱下來看介一看真當弗像只
得去貼舊換新欲要黃帽鋪裏去講講又弗好

戴子進渠大門。思量無些擺佈。只得那借子一頂麻布頭巾。綳漫漫好像看墳個董永軟搭搭好像丁憂個洞賓。遇着子承天寺裏個和尚。定道請渠領喪入木。撞見子玄妙觀裏道士。定道請渠退煞念經。鄉隣趕趁子分子朋友怕闕子人情。小張道個是我裏。鯨兒便服弗消得列位介費心。無些意思。介一日只得走轉家門。家婆道你出去子介一日。恰曾幹子帽子。個正經咳。

家婆弗要話起。走腫子個脚底。擢痛子個背心。
餓過了個肚裏。看花子個眼睛。帽鋪家家走到。
價錢個個弗等。只得反渠轉來。假充一個朗鎖。
戴戴到下橋行市。再尋彈揆子。齷齪吹揆子個。
灰塵。上子盃頭。盃介一盃。屈剛盃子三五六星。
小張挺胸跌脚。說道弗匡你介。一個收成家婆。
道。你也弗要大驚小怪。還幹若干正經。大塊頭。
兒改雙涼鞋。着着斜塊頭兒。改子外八頭。上東。

髮包巾。帽顏拿來。做個紫額。我裏夏天。恍恍碎
塊頭兒。做子。一頂細密細巾。驢頭驢腦。做個刷
牙。來。刷。刷。零零碎碎。做個香袋。裏。裏。帽子。道。我
前世。作。盡。子。令。尊。你。公。婆。兩個。擺。佈。得。我。介。盡
情。小。張。道。驢。兄。大哥。帽子。大人。你。儂。弗。要。出。言
吐。氣。我。儂。唱。介。一隻。曲子。你。聽。聽。跪。告。尊。前。勝
比。烏。紗。恨。不。全。一。向。承。壯。觀。何。故。翻。成。怨。咏
你。不。多。年。帽。子。道。儘。勾。你。裁。如。何。稱。爛。想。是。當。戲

初修書將咱騙爲你冤家費我錢我與你相逢
非偶然。咱子道鼓弗打弗響鐘弗撞弗鳴。別人
戴子風裏坐。你戴子我雪裏奔。憑你改長改短。
我也無怒無嗔。捉我改子外公頭上束髮包巾。
我也感承你頂戴。捉我改子你家婆頭上紫額。
我也當得奉承。捉我改子刷牙。正要擻你臭賊。
個張嘴。捉我改子涼鞋。正要打碎你臭賊老脚。
跟

巾帽相詈文

談一貫

嘉靖以來都市之爲巾帽工者列肆資四方以圖貨焉。帽製圓必裁縐縠之堅厚可蒙針紉幅輳規爲之巾有隅角製以成幅卽故縐敗絺潤以黝液輔之完裏居然巾矣。且帽通于末品非士流則弗宜巾。故時雖右巾鄙帽而帽之利反倍巾什伍焉。廼巾嫉帽而詈之曰。物體貴賤惟人汝胡加于予哉。汝好削方爲圓趨時長短所

與惟庸衆人。寧輿斯役。市僧問井。滅僕檐負。奔走咳唾。弗齒之徒。而予非王公大人。道術儒行。高人貞士。下之方伎名流。不得予首。汝直顧昂。予胡爲哉。汝弗自劑。量滋甚。吾將裂汝于時。帽無言。伺其畢。反之曰。噫。噫。汝聽之物。以飾體。貴不浮人。儀以壯觀。在無愧色。汝所云云。誠宜。汝不有盜竊名字。發身異途。而煌煌金飾于忠。靖奚取焉。忠靖名傷化。瀆倫。而汝號五倫。曷

義焉學弗窺于性命風斯下于濂洛而汝命以

周以程曷居焉五倫周程並山名恒起偽學者舌本木強者輒

名杜甫不辨之無者俄然東坡鑽穴利孔者冒

名和靖濁流弁以高士斥士弁以凌雲杜山東坡和靖

並巾舊名高士凌雲巾近名他如折角慕郭泚酒希陶豈皆

高致子臧聚鵠閒藉鷄鷄職災爾躬汝爲人累

良多矣予與者稱而安之者也汝與者未必稱

而安之者也安則久久則習弗稱則慙慙斯裂

物理堅瑕。顧所與也。而予且羞與汝同肆也。而汝反譽予也。巾沈思之。俛首無對。帖然心服。拆股體臥于席下。

破氍毹歌

吳門散人

做氍毹。弗要做破襪。個樣。也弗管雨水陰晴。一
看着子我裡八九年。閑人道做舍了個樣難割
捨。只因犯子個奔波毛病。搭連牽搭連牽搭
連牽。我也曾壯觀爾出人前。也曾替你捱風雪
也曾陪伴你坐花筵。也曾趕趁遭匍匐。也曾香
臭弗曾嫌。也弗是隨行隨步。只因你踏着子我
個星因緣。早晨頭上腿。愛你軟柔柔裡個星淹。

潤黃昏脫脚。最喜你白颯颯。個星新鮮。隱渠來
蕭底下坑渠來。被傍邊。弗怕老蟲損。只怕個行
龜。爛破襪道。既然捉我裡。相憐相顧。那了弗買
雙替換。換相傳。只因你個做人。慳吝。風過耳邊。
今時今日。今月今年。一穿穿得我裡。簫聲管聲。
一着着得我裡。底破頭穿。火求人補。弗是小王。
便定是小李。起動人縫。或是老趙。或是老錢。撞
着子一個村郎。溫漢。捉我補掇兩片。猶如膏藥。

了。找拔遇着子。知趣阿哥。挖孔一對。猶如錠勝。
桃尖。察院前。銅針。零零碎碎。戳拆子。論百。皮匠。
店裡。麻線。堆堆積積。抽斷子。萬千。骯髒子。若干。
個銀子。埋沒子。多少。個銅錢。年去月來。撞弗着。
縫綻個都督。難遭難遇。遇弗着。補綴個神仙。一。
日子。補得。停停當當。立來。聞門頭去。貼換。呆登。
登立來。皮襖店裡。門前。山西客。看見子。捉個嘴。
來。嚙。嚙。陝西。胎子。見子。捉個舌。頭來。伸尖。外人。

喚介脚采。白賴喚介頭頭說道我裡破襪。看見
子千千萬萬。冉弗曾見介。一雙破得介不軒轉
來轉去。好像絲鉈上個竹管。拽上拽下。好像撮
把戲個缺連。常學子個星小官人。愛惜個脚手。
你個樣。只好當個煎醬了。撮鹽捉我這般刀頓。
深爲可惡。我也只好告訴個青天。臨別時喚扯
得我介紛紛碎。喚要捉我羊毛。羊角店裡去換
銅錢。

勵世篇

一 衲道人

一日上帝窺見下方穢氣烜蒸發微一道與關羅王查何妖孽所使王乃忿怒陽世有等穿紅游青者有等着紅套鞋者有等穿紫花道袍者有等帶矮扁方巾者乃集狗糞一鉢煎熱油一鍋置之露臺左右命無常二鬼拿得四人一一問曰汝非婦人原何身穿紅衣汝非朝官如何足着珠履送終衣服汝何預穿搖擺西方頭巾

汝何孽。屈了帶。皆由此等不正之氣。上觸天庭。現今奉有明旨。不誅無以勵世。四人俯伏涕泣。告曰。死者不可再生。斷者不可復續。况律嚴。不知不坐。語許改過自新。世間犯此。不獨四人。某等中途被獲。情有可矜。望詳察宥。某等歸曉諭衆生。悉令正其衣冠。王之恩莫大焉。王曰。原無禁令。不教而殺。吾亦惻然。但汝等跋躐。寧免饑。依因以露臺所置者試之。指曰左。汝等饑。大缸。

中可矣。四人竊笑其爲狗糞也。咸曰：「不饑復指曰：『右。』汝等倦，大鋸中可浴。」四人竊知其爲熱油也。咸曰：「不倦。」王微曰：「狡猾哉！四人然有錯拿，無錯放。」罰汝等于奈何橋前後砌路四十丈，作犢縱各蹄。四人曰：「用大石，用碎石。」王曰：「用豆腐。」四人曰：「豆腐砌，倘踏壞如之何？」王曰：「我自另拿一班穿剥皮褲、襪淺面矮跟鞋的，輕腳鬼來踏壞了。」這豆腐街罰他吃了狗屎落油鍋。

募綿衣疏

武林生

伏以捉衿露肘、誰憐子夏之貧、冬懷號寒、可免
昌黎之嘆、含羞在已、貽笑於人、切念其半生若
蟣、一拙如鳩、身常苦饑寒、頗類吟詩之賈島、志
不在溫飽、愧非及第之王曾、雖字頗能識、而書
頗能讀、然寒不能衣、而饑不能食、湖橋踏雪、難
堪手足之凌競、剡水乘舟、無素身心之顛掉、都
侯萬卷亦徒耳、范叔一寒如此哉、幸托身依桑

朽之利而長者擅絲綿之利深篋大箱價輕千
鎰之黃金溫體柔綿色瑩三冬之白雪服見之
而忽熱心欲之而難言既民胞物與之同然豈
惟食解衣而不可惠而好我實爲道誼之交勉
爾求人而不覺辭之拙分我一團和氣奈他千
載歲寒高誼難忘服之於膺而佩之於背衆輕
易舉與不傷患而取不傷廉袁安免圍臥於洛
陽師道不忍寒於郊祀若肯結緣秀士也勝布

施山僧十謁朱門何畏滿頭之風雪一以鄉律
頓回幽谷之陽春遍告斯文圖成善事謹疏

湯婆子竹夫人判

滑稽生

房州富翁夏天洪初娶竹氏情好歡洽殊甚號
曰夫人贈以詩曰謾說湘妃骨已仙化身猶水
斷塵緣等閑不見令人俗邂逅相逢共我眠錦
帳綉衾難作伴石牀藤簟最相憐可憐亦有班
姬怨纔到秋來便棄捐不覺時移物換西風送
涼漸以凌弛寵衰幽之別室再納湯氏寵之專
房濃情厚愛稱曰婆婆贈以詩曰不施脂粉不

陳牧寂寞無言臥象牀。援足難同親骨肉。傍人
恒有熱心腸。夜長夜短慵舒眼。花落花開空自
傷。可惜恩情易拋擲。春來依舊守空房。比昔待
竹氏者過之。竹氏心不平。怒悻悻。自訴於夫曰。
奴與君處有日矣。鸞顛鳳倒之愛。自謂漆膠莫
解。何君一旦幽奴側室。再娶湯婆乎。趨炎附勢。
効世情薄。子之所爲。况奴觀湯婆者。顏貌底魔。
而腹且便便。佯聲詐啞。不甚妓美。君何愛之深。

耶湯氏聞之亦背譏於夫曰竹氏以巨桴長
獲寵於君亦已過幸今稍弛愛遂日滋怨言始
非所以安也奈何言未已竹氏適至二氏自相
辯不休夫莫能論因訟於有衾氏而判之曰審
得竹氏玉骨冰肌自是堅剛原有節月床風席
由來姑忌本無心不事容儀惟求雅素清淨似
叅千佛眼性極玲瓏炎涼不比兩人心情真縑
縑是宜諧赤日之歡莫得作班姬之怨審得湯

氏主肌假煖酥體生溫夜夜蒙頭加腹雖非親
骨肉宵宵抵足向人渾是熱心腸寂寞無言櫛
妝不事加腹煖時思愛重賜泉溫處寵難忘只
宜專寵霜天無得爭權火日由是以次值時輪
陪衾枕判畢贈以詩曰湯何柔懦竹何強陽長
陰消氣數常寄語佳人莫相妬主人自是夢炎
涼照得竹氏夫婦歡好如初湯氏默默無言遂
安其室

山中一夕話卷之六

卓吾先生編次

笑笑先生增訂

哈哈道士較閱

狁說

獬奴集

無名生

海外暹羅國之峴壠有狁焉。其面目人也圓目而黃睛。其軀幹人也短小而精悍。性行亦人也。專慤而不一第。不識金帛。不解火食。語呶嚶不可辨。若猿猱然。殆人屬歟。山間古樾蒙密。爲巢

獸十舉族棲焉。吏獠詣其性者，常馴擾以備驅使。蒙以敝絮食以鯁鮓，飲以漓酒，狃卽躍然喜。似謂得所。王者舉族受役，至死不避。雖歷世不更他姓。王者役以採片腦，雅命役以採鶴頂，雅命役以取犀角，象齒亦雅命。顧採片腦，鶴頂，其爲力也易，而取犀角，象齒，非刺以毒鏢，遲以月日，不能得也。王者授之器而寬之限，狃挾以歸。遇犀象輟往刺之，升木而匿。犀象怒，索以報怨。

母獲也。移刻毒發而殛。狁乃羣聚叫嘯。似誇其
捷者。相戒守以經月。犀象肉腐。獨存齒角。齒則
負以數狁。角則一狁肩之以輸其王。遇奪他姓
至死弗畀也。邠人聞而異之。因編竹爲籠。紆深
其制。置所必由之徑。機而取之。以獻於夷王。王
大悅。酬以蘇方木數千金。衣狁以番錦。飼狁以
嘉麥。置狁於爽瑤華構之地。薰結其心。能出死
力。以供夷方。驅使狁以非其主。終不屑附焉。嗚

呼狃也者人屬耳其所居則翳蒼也其所親所
見則髮髻也彼安知上下之防冠履之分尊卑
之等哉廼忠於舊主不爲力屈不爲勢劫不爲
利奪有如此脫世家斯養而皆狃也者寧非世
家之幸足徵風俗之不偷哉奈之何今之爲廼
養者之不狃若也勢盛則親之若父母爲其能
室家之也爲其能衣食之也爲其能覆庇之也
不幸而勢則衰矣彼昔日室家衣食覆庇之恩

曷嘗有須臾之蓄於心哉。棄若敝屣。遠若寇仇。擇氣醖赫奕。可以陵壓舊王。而莫敢誰何者。望望然去而依焉。然非得新主之歡。則身不安。非啖之以聲色貨利。則主不歡。於是乎主好冶容。則妻以冶容。主好狡童。則子以狡童。主好肥甘。則時以肥甘。主好關膏腴。則曰胡患新腴之不接比也。主好窮壯麗。則曰胡患壯麗之不延屬也。主好集珍玩。則曰胡患珍玩之不。

萃也。詳所計畫。盡挈舊王之貲產。以投新王。好
卽刻舊王之肉。且陳其肺腸也者。靡不攘臂而
甘心焉。視狃之忠於舊王。而至於死不變者。奚啻
臂壤哉。甚者。訐舊王之私。以輸誠於新王。俾新
王者得藉爲口實。以濟其攘奪之謀。是尤狃之
罪人也。已。雖然。所養者。人所驅使者也。彼烏知
敦詩書明禮義哉。其狃之不若也者。亦犬彘埒
耳。吾不足責也。藉令氣隘赫奕者。燭所養反側。

之奸而聲其叛主之罪。則上下之防。冠履之分。尊卑之等。不由此肅然正哉。胡爲乎徒悅其今日之能歡我也。容之於帷幄。若夷王之衣以番錦焉者。厚之以餽廩。若夷王之餽以嘉麥焉者。寵之以事權。若夷王之置於爽塏華構焉者。謂之何哉。不思廝養之性不常馴。吾之勢不常有。倘一旦不幸。而吾之氣醲。儵然熄焉。安知今日所得之膏腴。所得之莊麗。所得之珍玩。不爲廝。

養與口擇主之資乎。吾重惜敦詩書明禮義者。
夷王其心而其見反出。統之下也。悲夫。

誅鼠文

陳柳園

維淳祐改元四月甲申。柳園陳子。偶於釀具中。
生獲一鼠。爰命家僮。置於片木之上。削竹爲釘。
著其四足。窮訊厥罪。而責之曰。維爾穴居。實繁
醜類。自昔乃祖。積書傳記。食魯牛角。幾廢郊祭。
啗魏馬鞍。潛驚庫吏。乳猫爲妖。渡河逞異。穿屋
惑於詩人。竊肉怒於童穉。凡此數事。皆其尤大
彰示者也。厥後育子生孫。支派別分。或依茅屋。

或托朱門。晝伏夜動。三兩爲羣。舐砧汚兒。攪甕
翻盆。投之忌器。却之無刀。王翁側目。竈妾憂嗷。
念非永某氏。欲甘心於爾曹者久矣。孰謂爾獨
惡稔。竟爲禍嬰。遭我所得。明辱戶庭。爾罪者有
二。可推。今爲爾言。爾其聽之。婦女蠶桑。心亦勤
苦。爲衣爲褐。無不藉此。爾則食蠶膏。唇沃齒。筐
箱一空。卒歲何以。爾有皮毛。可禦霜雪。豈至若
人冬裘夏葛。人或號寒。由爾爲孽。此則爾罪一。

也。原田畹畹，禾黍穰穰。農夫耕種，勤勞備嘗。爾
先偷盜，穴居爲倉。閉藏膏溢，雀鴿莫將。人經兵
火，饑饉薦臻。甌中生塵，米如炊玉。爾當此時，飽
充口腹。此則爾罪二也。若有奸滑小吏，得爾遺
糞，漬蜜獻王圖報私恨。人或藉爾爲此，吾亦惟
爾之忿。變形爲人，謁見楊生。高談觸諱，不憂憤
嗔。爾雖莫敢爲此，吾亦爲爾之懲。陳子責之卑，
欲貸以不死。令返穴中，告戒厥類，勿蹈前蹤。時

有一客在傍相語曰。彼有皮毛而不恤人之無
衣。彼有困倉而不恤人之無食。戴天履地。全不
愧惕。宥此二罪。計未爲得。曷若斬首。顯此明辟。
陳子笑而從之。乃命揮刀行事。而歸休於讀書
之室。

養狸述

舒元興

野禽獸可馴養而有裨於人者。吾得之於狸。狸之性憎鼠而喜撲。其體趨其文班。予愛其能息鼠。竊近乎正。且勇。嘗觀虞人有生致者。因得請歸。致新昌里客舍。舍之初未爲某居時。曾爲富家廩墉堵。地面甚足鼠窟。穴之口光滑。日有鼠絡繹然。其旣居。果遭其暴耗。常白日爲羣。雖敲拍叱嚇。畧不畏忌。或暫驚。輒跽縮須臾復來。且

數十度其穿巾孔箱之患。繼畧而有。晝或出遊
及歸。其什器服物悉已破碎。若夜時長留缸積
疑作晨與役夫更吻驅呵。甚擾神抱。有時或缸
死睫交黑暗中。又遭其緣楊過面。泊泊上下。則
不可柰何。或知之。借櫃以收拾衣服。未頃則櫃
又孔矣。予心深悶。當其意欲掘地誅剪。始二三
十日間未果。頗患之。若抱癢疾。自獲此狸。嘗聞
關實賣。縱於室中。潛伺之。見軒首引鼻。似得鼠

氣則凝蹲不動。斯須果有鼠數十輩。按尾而出。狸忽躍起。堅瞳迸金文毛。礫斑張爪。呀牙。劃浪怒聲。鼠黨帖伏不敢窺。狸遂搏擊。或目抉牙截。尾捎首擺。瞬視間。羣鼠肝腦塗地。迨夜始背缸潛窺室內。灑然。予以是益寶狸矣。命一作常自馴

飼之。到今僅半年矣。狸不復殺鼠。鼠不復出穴。穴口有土蟲絲。封閉欲合。嚮之韞櫝服物。皆縱橫拋擲。無所損壞。噫。微狸。鼠不獨耗吾物。亦將

咬嚙吾身矣。是以知吾得高枕坦臥。絕瘡疥之
憂。皆斯狸之功。異乎。鼠本統乎陰蟲。其用合晝
伏。夕動。常怯怕人者也。向之暴耗。非有大膽壯
力。能凌侮於人。以其人無禦之之術。故得恣橫
若此。今人之家。苟無狸之用。則紅墻貼壁。固爲
鼠室宅矣。甘醲鮮肥。又資鼠口腹矣。人雖智力。
其奈之何。嗚呼。覆簋之間。首圓足方。竊盜聖人
之教。甚於鼠者。有之矣。若時不容端人。則白日

之下。故

此一作得

騁於陰私。故桀朝鼠多。而關龍

逢斬。紂朝鼠多。而王子比干剖。魯國鼠多。而仲

尼去。楚國鼠多。而屈原沉。以此推之。彼小人道

長。而不知用君子以正之。猶嚮之鼠。羈而不知

用狸而止遏。縱其暴橫。則五行七曜。亦必反常

於天矣。豈直流患於人間耶。某因養狸而得其

道。故僭錄始末。貯諸篋中。異日持論於在位之

端正君子。

三友傳鳥

卓吾居士

維暮之春，百花圖妍，千枝添綠，滿庭芳草，忽報東風第一，而尤點綴園林好景者，嚶嚶鳥鳴也。時則黃鶯兒間關上下，顧盼左右，見簇御林中花柳分春，金蕉葉展，乃鼓翅拂翎而作聲曰：時哉時哉！收江南春色而歸之肺腑者，非吾徒哉！于是取亭前柳構室，玉交枝繚垣，晚眺黃鳥，載好其音，而俯仰之間，晏如也。維時香柳娘虞美

人紅娘子。縱步觀後庭花。聞囀林鶯聲。皆摘枝
頭。古。笑。擲之。黃鶯兒知其戲也。亦嘲之曰。好
姐姐。毋打我。然性最好友。每喚于黃鶯。微架上。
一日見祝英臺。雙蝴蝶。三三五五。紛飛青錦堂
前。或戀金錢花。或翻紅芍藥。無何。低度粉牆而
去。黃鶯兒曰。此輩止可妝成一種絳都春耳。非
吾友也。正尋思間。忽遇雙雙燕兒。舞於桃李下。
黃鶯兒作此曰。汝何物也。而敢與桃李爭春耶。

燕兒呢喃答曰我燕也秋去春來有年於茲矣
子未識我乎黃鶯兒曰姑戲子耳毋相訝倘子
不棄願爲子友燕兒許諾因造鶯居則見落梅
風起楊柳搖金前有梨花兒紫花兒後有小桃
紅纏枝花三月海棠蓁蓁天天四望極目燕兒
嘆曰真錦上花也黃鶯兒曰聞有胡燕有越燕
子何所產燕兒曰胡越一家耳俱產烏衣國也
黃鶯兒曰今爾居安在燕兒曰昔拓拔氏塗腦

中原曾一巢於林木後徙范質家范妬我屢害
我雖復巢王謝堂前蓋謝也矣卽烏衣國王女
也我舊姻族也故征依之今又移居上小樓與
三學士爲鄰矣黃鶯兒又戲問曰子居塵土中
寧如我有此風光好乎燕兒戲答曰子知海棠
春豈知玉樓春也我則兼有之矣子何誇焉已
而烟鎖南枝西江月上燕兒嚙花掠水而歸黃
鶯兒綿蠻鶯語弄巧金梭只見月挂玉鉤四邊

靜情來往佳人飄長裾曳輕袖或整紅衫兒舞
霓裳或列青玉案燒夜香不知霜天曉角已三
更轉五更轉而銅龍將報天曙矣黃鶯兒南柯
夢覺則斗指銀垣河傾東嶺而滿天紅日又早
射鳳凰門矣已而有鶯踏南枝翩跹舞蹈喧鬧
不息黃鶯兒詢其故答曰我鶯也能報吉兆祥
人皆謂之喜鵲今晨見古輪臺畔露遍牡丹盛
開我欲爲少年遊子寄一佳信耳黃鶯兒謂之

曰吾聞公輸子簡竹木成鵲飛三日不下汝鵲
也非竹木爲者乎鵲曰今天下無公輸子謾勞
爾流鶯調舌也黃鶯兒延入叢中相結爲友鵲
謂曰我喜遷喬久矣何事今日共賞花宮也黃
鶯兒曰當與子成刎頸耳因又問曰昔王荊公
見啄木兒卽自解木上樹以探汝巢意必欲取
汝于巢也汝亦危哉鵲曰彼所謂緣木求魚守
株待兔者也安能害我也而黃鶯兒垂首低尾

若有所思。鵲問之。黃鸞兒曰。唐明皇時。我集禁苑中沉香亭上。明皇乘珍珠馬。穿卓羅袍。過而見之。呼爲金衣公子。後人誤稱錦衣公子者。始此。今東園樂事。不減明皇。而世改時移。可以長相思也。鵲亦言曰。牛郎織女。爲銀河阻隔。若非鵲橋夜渡。終身不得效于飛樂也。人故以鵲橋仙目之。今石榴花放。七夕又將至矣。彼寧無再團圓之望乎。黃鸞兒曰。吾友來矣。鵲視之。乃紫

兒舞也。謠曰：燕燕于飛，差池其羽。非子耶？燕兒曰：月明星稀，鳥鵲南飛，非子耶？於是相接甚慳。黃鸝兒亦大喜，嗣後三友無日相離。卯而聚，終酉而散。十二時，每過半焉，不覺春去夏徂而杏花大氣將爲亂紅飛老也。一日同上小梁州，立千橋頂，遂名爲三仙橋。黃鸝兒曰：我在高陽臺見粉蝶兒眷戀一枝花，彼自以爲無求於世而與人無爭矣，不知耍孩兒方將唾其不見而撲。

之爲螻蟻食也。燕兒曰：夫粉蝶兒其小者也。吾
銜泥浣沙溪頭，見水底魚兒乘長風破萬里浪，
彼自以爲與人無爭矣。不知水仙子魚家傲，方
將持竿擗綸而川撥棹以釣取之。晝遊乎江湖，
夕調乎鼎鼐，雖吞舟之鱣鮪不能活此于江兒
水中也。鵲曰：夫水底魚其小者也。我過小重山，
見一行斜飛，插天而下，佇視之乃雁兒落也。蘆
花爲伴，明月爲友，飄飄乎高翔。彼亦自以爲與

人無爭矣。不知更絕老。山麻客。方將關鳥號之。
雕弓。挾夏服之勁筋。引微繳。凌清風。加已于千。
仞之上。而身爲狙。狙也。黃營兒聞之。愴然曰。悲。
哉。雁也。曷爲蒙此禍也。昔蘇子卿牧山坡羊。倘。
孤飛雁。不寄一封書。則子卿爲胡地鬼。而不得。
朝天子。矣。彼且弗免。豈非命乎。我與爾吏游乎。
天地之間。繒繳不及。弧矢不加。正所謂飛鳥依。
人人自憐之。豈不爲天下樂耶。頃之鵲忽報曰。

胡地風寒。又早飄金井梧桐矣。黃鸝兒亦田江
頭金桂。又早開遍也。燕兒曰。然則楚江秋到矣。
遂欲辭去。黃鸝兒曰。子將焉往。燕兒曰。向與子
言之矣。吾今返烏衣國也。于是黃鸝兒與鵲至
江頭送別。燕兒曰。可惜黃花滿目。竟遭遠離。奈
何。黃鸝兒與鵲同悲曰。願子毋忘賞花時。來春
再得慶東園也。燕兒遂翻波戲浪。瞬息而渡。黃
鸝與鵲日送之。將必則見桂枝香滿。菊花新放。

柳葉兒、梧葉兒俱已黃落。而兩岸玉芙蓉又老矣。乃戚然曰：「一江風景好傷感也。」居數日，黃鸝兒亦深藏不出。唯鵲不避嚴寒，挺然與風入松。臘梅花競節也。霽風和景明，則羣聚如故。而相期爲千歲云。

野史氏曰：黃鸝兒，春鳥也。一名鶯鶯，一名黃鸝。一名栗留，性喜春生，惡秋殺。且善喚友而復不苟與。吾觀燕也去來，信鵲也吉凶前知，則知。

鶯之能擇友矣。朋亦雜以訖諧而聲應氣求終始不逾。未嘗至于相忤。詩云。善戲謔兮。不爲虐。今黃鶯有焉。况夫知幾知命。豁然自得。玩其言。又可想見。蓋不啻出幽遷喬。知其所止而已也。噫嘻。爭地之蝸。爲利而鬪。刳腸之龜。因智而死。孰若鶯之羣聚嬉嬉。付身世于兩忘。而人莫敢侮也耶。鶯乎鶯乎。其稟性天之靈乎。友乎友乎。可以人而不如鳥乎。

美人月夜遊園記

鳥妖

黃纏道勾吳人也。素雄於貲。少年游俠。天下湖
山足跡將徧。年旣衰。飄然有高臥林丘之志。因
自號瑞鶴仙。又號風流子。墾地百畝。築圃其上。
門外苔徑粉壁。竹橋清澗。幽雅絕塵。雙門隱隱。
雕簷翠幙。朱欄曲檻。縹緲如畫。里中高士白練
序。題其扁曰園林好景。臺館之麗無筭。其最勝
者。則高陽臺。古輪臺也。二臺相對。各方二丈。高

三丈以瑪瑙爲之。設金人捧露盤於臺頂。其下則金明池屈曲於中。小重山環遶於外。池有金鯽千尾。而山峯競秀。天巧琢成。又名曰夏雲峯。四時花鳥色色可人。而三春尤甚。然終日扃鎖。遊人莫入。吳中有美人能詩文。喜遊玩。暮春旣望之夕。因率侍婢數人。欲往黃氏之園觀焉。賂守者朱奴兒。然後得入。是夕西江月上。煙鎖南枝。綠陰婆娑。紅英撩亂。美人金蓮窄窄。玉體盈盈。

盈於是轉翠栢屏。歷金藤架。登臺涉館。遊后微
山臨流。四顧渺渺。平有江山千里之想。已而立
於桃李花下。吟成五言一律。詩曰。夜闌更漏永。
春富小桃紅。遶地遊初遍。齊天樂未終。柳如金
絡索。人似玉芙蓉。手撚香羅帶。花陰立晚風。吟
畢。忽見梧桐樹底。人影突出。美人惶不及避。至
則皆女冠子也。一女黃衣桃腮。一女紫衣纖腰。
一女玄衣縞裙。各向美人施禮。笑問曰。月夜迫

通樂乎美人未及答。三女即邀至庭中少憩。但見四邊靜悄。玉漏遲遲。疎簾淡月。幽香遍滿。三女謂美人曰。錦堂月色如畫。奴輩幸集賢賓。何異步蟾宮而親炙姮娥之面耶。因設錦褥共坐。于庭言詞清婉。答應如響。美人亦笑談忘倦。從容請問姓名。居止。黃衣女先言曰。奴輩皆王公侍妾。間好姐姐在此吟玩。私出奉陪。幸勿相訝。奴名多嬌。乃喬木世家。唐時有諱栗留者。奴九

世祖也。嘗衣黃衣朝天子。自製法曲。獻仙音。明
皇愛之。賜號金衣公子。遂世襲其號。奴亦頗曉
音律。性復好織。王公見奴弄機。拋梭。喜謂曰。爾
又織成一機錦耶。每花晨月夕。王公命小婢排
青玉案。自酌梅花酒。聽奴歌聲。嘗見許。爲俗耳
所針。詩腸鼓吹。其憶多嬌如此。紫衣女曰。奴名
迎春。先世外國烏衣人也。夢南方地煖。遂入中
原。迄今幾千秋歲矣。五代拓拔氏。燬我屋宇。暫

徙于簇玉林中。今賀昇平已久。宗族蕃衍。有與
貴宅爲鄰者。如姐不識耳。女以口舌便捷。有寵
于王公。性喜拈花弄柳。嘗欲收江南春色而歸
之。肝肺也。玄衣女曰。奴名喜卿。文家三槐舊宅
也。上世有入山採藥者。遇臨江仙子。謂其夙稟
靈性。授以奇術。遂出金字經一卷。符錄一道。付
之。云。得此。則天仙可見。銀河可至。吉凶可知。世
守其術。奴亦能預報人間喜事也。美人曰。今猶

幸會誠哉有緣。然風清月朗。一刻千金。可無佳
句乎。多嬌曰。適聞姐姐所咏。真字字錦也。奴輩
敢不效顰。乃先吟曰。念奴嬌。滴滴畫錦。畫眉分
巧韻。聲聲慢。新衣縷縷金。啼殘紅芍藥。睡損海
棠春。更喜遷喬處。亭前柳色青。迎春繼吟曰。畫
堂春色好。樂處卽爲家。山壘花心動。穿簾蘇幕
遮。身經西地錦。泥揀浣溪沙。巧訴衷情語。烏衣
月已斜。喜卿亦吟曰。曾度天仙子。橋成乞巧時。

倦飛秋夜月。旋繞玉交枝。好事近不近。阮郎歸。
未歸燈花何用卜。惟有喜卿知。三女吟畢。於是
美人命一婢名海棠花者。取金絡索掛梧桐爲
鞦韆戲。旣罷。又命一婢石榴花者。捧碧玉簫吹
之。清和嘹唳。響遏行雲。一婢名絡絲娘。一婢名
香柳娘。皆善歌舞。於是瑤明璫。曳輕裾。歌採蓮
之曲。舞採蓮之隊。亭亭嫋嫋。雜亂花影。美人樂
甚。復吟七言一絕詩曰。賞花時節迎仙客。瑪瑙

臺前十二紅。嘗憶王孫雙勣酒。鸛鵒天氣落旌
風。海棠花亦吟曰。細柳搖金梭。月影錦衣香。惹
武陵春。獨憐玉女搖仙佩。悵望桃源憶故人。石
榴花亦吟曰。一枝花宿雙蝴蝶。侍女吹殘碧玉
簫。沉醉東風天下樂。坐看月上海棠梢。吟畢。美
人復謂絡索娘。香柳娘曰。採蓮曲乃舊人所作。
汝可新製一曲歌之。於是二婢載歌載舞。絡索
娘歌曰。滿庭芳草今淒淒。怨王孫遊兮不歸。瑣

寒牕今人靜。點絳脣。今何爲。傍妝臺。今懶畫眉。
惜奴嬌。今長相思。香柳娘歌曰。鳳凰閣上。今吹
簫絳都春去。今魂搖。罵玉郎。今薄倖。解連環。今
輕敲。紅繡鞋。今步嬌。望想人。今月兒高。歌舞
既畢。但見明月西斜。花陰東轉。宿鳥驚飛於樹
杪。遊魚跳擲於池中。美人將言旋。遽失三女所
在。美人肅然而恐。率侍婢亟行。明日訪於黃氏。
並無三妾。使小婢往視園中所坐之處。惟梨花

成雪桃花爲山三女所設錦褥只落紅滿徑而
已細味其問答之言吟咏之句乃知其爲鶯燕
與鵲之妖也嗚呼異哉。

秋蟬吟

一初道人

蟬今本名蝦蟇虫。自小生身水窟中。潛跡坭塗
爲窠穴。交結魚蝦作友朋。一朝脫皮并換骨。就
地飛騰到林木。慢憑素咽且吟風。聊借一枝據
倚足。曉烟簇簇籠翠幃。夕照煌煌映落暉。忽向
蓮臺弄唇舌。條入精提逞羽威。帝嘗語燕借歌
韻。浪蝶狂蜂相厮覷。灑洒蕩漾興飄揚。簫鼓喧
嘩聲響應。玉聽遊子望凝眸。畫舫騷士意徘徊。

山嶺沙溪任氣使，巷陌街衢逐伴隨。一口掀天，
獨赤幟，兩湖出沒儘聲勢。蝦螯不是昔年形，比
類而今誰與似。荏苒光陰不久停，迅速炎涼如
轉蓬。綠退紅殘，顏色改，鮮敗苔荒，蕭殺侵繁華。
一旦成寥寂，景與千般非。夙昔眼前滾滾盡浮
塵，舉目凄凄惟孑立。君不見一物名蜻蜓，挺身
豨尾直前行。鎮日盤旋罔休息，徒目奔波擾夢
魂。又不見一物名促織，張牙扇翅勇莫敵。當場

叱咤狠戰爭、贏得金珠枉勞碌。蟬兮蟬兮急回
頭、時乎時乎去難留。古來多少興亡事、及至無
常一土丘。

青蛙吟

此謂反根倒舌者云

冷眼生

草臺柳畔有一物。良可嘆。今又可惜。羅尾搖頭。
似鼓丁。打魂成團屯。岸側有時脫。却舊行藏倚。
伏蘆葦。逞威力。花花碑兒穿一腰。綠綠衣衫遮。
滿春。雙睛瞪視如突硃。一口咬喳無紀極。湏臾。
煽煽勢。轟轟頃刻消。洋聲寂寂夜。逐流螢。開江。
渚。曉向草茅混形跡。番身跳足大賈猛。貪嘴吞。
釣。少知識。悞恨鄉村媒利人。捉賣市沽換賤值。

論筋止得五六根。每隻不過二三忽。破肚挖腸。
上刀砧。剥皮剔足。受慘尅。脣苦辣。及鹹酸。歷
盡熬煎。并煙炙。不同膏品。列正筵。只好傍邊做
協色。若人舉手畧相親。那堪大嚼與蠶食。骨頭
委棄地中央。狗子見了也不吃。嗟呼列底沒下
稍。何事終朝跳彌彌。

關螺贏記

吳之珍

支吾子塊處一室。左琴書。右樽俎。狂時雜以嘯歌。其于市人蚴蟺惱憤態。無如也。暇取儲胥數十紙。灑以桐液。搗以榆枿。元日夕得明瑩纖薄。如索鑑照影。因裁而蒙于北牕之格焉。格每距不及二寸。有蛛集于其間。其爲軀毫爲股網之大若菽殼然。卽睛星亦不能困縛者。適螺一望明而入。勃窄盤旋若曳若掣。蛛乃以足攫之。槐

羸怒而以尾擊之。且攫且噬。再攫復再擊。急則
蛛且退棲于網。如是者數四。紙亦弮張有聲。支
吾子坐視良久。乃嘆曰。物誠無知哉。此猶以千
鈞而壓累卵。鮮不糜且滅矣。因命童子遍索蛛
之黨。不問巨細。合封于一格。以助焉。有蒼者。有
黑者。有黑而介以白痕者。有皦皦若虎者。有股
長而跽蹠不進者。有腹厚而其絲啍啍若瀉者。
衆以暴寡。始若擒而噉之。迅蜾羸盡力一擊。則

羣蛛皆攣足累頰。颯颯然共聚一隅。不勝其腰
懦戰慄狀。于是支吾子復撲青蠅數羽。撼而激
之。鬪頃焉。以蛛覲蠅。則垂涎而跳躍。以蠅畏蛛。
則鼓翼而騰飛。以蛛羸不禁。夫蠅與蛛之擾。則
奮首尾而思吞齧。轉轉相扼。勢若抗衡。支吾子
倦而就寢。越宿起視之。則三物皆僵仆。無餘生
已。嗚呼。惟蟲能蟲。惟蟲能天。激之鬪而其天者
汨矣。今造化以崇卑強弱。屈伸得喪。啓其釁而

召人之爭。是則格中三物也。人未能超乎世故。
絕乎塵鞅。比比以微茫事。就量于蝸角蠅頭之
間。其馳騫也。朝燕而暮越。其傾軋也。始恩而終
仇。苟有無懷氏之民。坐而觀其成敗。豈不掀髯
發一長笑也哉。卒之玄暉落薤露晞。則彼爲姁
美。爲選條。爲旒黃。爲擗攘者。總總將安在也。支
吾子因感而爲之偈曰。嗟嗟物類。匪直如斯。環
宇宙間。孰雄孰雌。以利相得。以名相欺。人影忽

沉同爲腐尸何益于後乃成猖披老氏守玄能
不失時夜氣靈爽尚其繹思

憎蚊賦

孫原貞

孫子顧吾暑月無珍簟方牀夜移書几連接而
臥有蚊羣集而至不得安寢強起正襟危坐而
詰曰天地間惟人爲貴物爲賤物得其氣之溫
而人得其氣之清故晝必有爲以興學夜必宴
息以凝神况值此永日志氣昏沉溽暑蒸體揮
汗交零方曲肱之一枕蕪氣體之暫寧何汝物
之至恥顧於人而相侵聚成雷鼓睫集焦螟尋

頭撲面入幕穿襟咬人皮肉利嘴如針臂已痺
而猶懷目欲瞑而復驚道心何由而定夜氣何
由而惺使孝子咬牙而忍痛烈女切齒而露筋
吾惟聞人而駭物何嘗見物而嚙人舉扇撲滅
猶復呻吟且前且却若有所陳意思測度似彼
有云近聞先生慕道當知物理人情物雖至賤
天地無有不仁人雖至貴亦猶行于冥冥不知
衽席之上有蛄蛄淵默之中有雷聲醜毒生于

憂安獨寢須不愧衾。恐懼致福。危者使平。子既
學聖。要在憂勤。胡不如周公之坐以待旦。胡不
如孔子之終夜靡寧。胡不如康節之夜不就席。
胡不如勾踐之獨臥以薪。精思力踐。奔軼絕塵。
火不能熱。水不能冰。顧乃尚臥。偃蹇袒裼裸裎。
子茲來訪。示子規箴。子胡不悟。反速予行。况天
下之不爲蚊者寡矣。蚊之利口刺人之身。人之
利口刺人之心。刺人之身者爲害小。刺人之心

者爲禍深不韋利口。以呂易嬴。王莽利口。纂漢
爲新。蘇秦利口。六國亡秦。斯高利口。扶蘇蒙塵。
王衍利口。江左以傾。朱异利口。梁亡臺城。休甫
利口。敗壞唐兵。世基利口。隋煬瀆經。成大利口。
誠僞不分。惠卿利口。害及雞豚。以非爲是。以假
亂真。覆人之國。戕人之精。此皆磨牙肆毒。食虎
吞鯨。其視蚊子之爲人害。果孰重而孰輕。先生
何不於彼而致察。而惟于我而生嗔。且予之行

藏有合先民入以昏晦山以天明夏秋見世春
冬潛形其與醯雞不見天日螭蛄不知春秋者
不亦大相徑庭耶孫子曰汝言固亦有理我尤
獨識其真心爲巖師遇爲浮雲富貴福澤固厚
吾之生貧賤憂戚庸玉汝於成處一化齊存乎
一心使心有所做而後畏斯意卽由之以不誠
吾惟乾乾夕惕肅肅宵征戒慎不覩恐懼不聞
通知晝夜定省晨昏三餘是惜四知惟欽夢寐

姬孔臥想周程。勿忘勿助。無將無迎。寧學聖人而未至。不欲一善而成名。蚊乎蚊乎。吾其以汝爲叩脛之杖。朴作之刑。刺股之類。訂頑之鉦。他后攻玉。烈火銷金。潛居窮道。暗室安貧。欲親燈火。照讀典墳。無油且止。有志莫伸。予將撒几不寐。杭坐息尋。學匡衡以鑿壁。效武子以囊螢。夜以繼日。厥德維新。庶靈臺不至於昏昧。睡魔不。至於侵凌。不覺吳天欲曙。籠鷄齊鳴。起看蚊子。

寥如晨星急呼小子
若此丁屏朝經暮習
用此

盤銘

憎蚊說

錢鍾義

山澤之區。靈秀所毓。玉輝珠潤。龍蟠鳳翔。錯然具陳。不可殫也。其戾氣之爲梗者。則莫若豺虎蛇蝎。然豺虎蛇蝎之嬰其患者。億兆無幾也。豈其類之果不足以生毒耶。顧其名足以震怖而備之者有具也。羅而致之。陷穽而拏之。腊而弭之。則向之可患者。將玩好之飾。裘罽之資。療劑之式。若夫犬豕魚鱉之用耳。竊怪夫沮洳之

鄉炎燠之候。乃產蚊焉。林木所包。其麗不億。鵠
鳥所噴。實繁有徒。渙其羣而勢若負山。黨其衆
而響則如雷。當太陽之孔照。則遁跡莫覩。稍陰
晦之侵尋。則引隊而出。突如其來。撼昆陽百萬
之衆。從空而下。恍延岑山後之師。雖無金鐵之
錚錚。若見戈矛之戟戟。其迭出也。如吳之三軍
肄楚。其輕進也。若漢之深入不毛。又且巧於伺
隙。候如颶風。衝堂宇。敢於直前。隱房帷。是其故。

智苟防禦之少疎。已空隙之投入。挾利口之資。乃排闥而無忌。懷刺心之術。遂入幕以爲歡。蓋非止穿裳而撲面。又豈但摩足而拂鬚。剝床以膚。北宮將爲撻也。引錐刺股。季子能無慟乎。亦或病于夏畦。苦不容其向晦而宴息。雖欲親於燈火。又豈能繼晷而焚膏。遂使君非季優。無故而自批其頰。孰爲漢帝。堯然而忽拊其髀。彼季稱江夏之童。實伊貽戚。烈著高郵之女。惟爾生。

姦。又何怪乎王司徒玉麈之揮。須臾不離。而楊將軍紅拂之妓。去而違之也哉。直其同聲相應。似義。靡之不去。似忠。奮不顧身。似勇。見几而作。似智。要之貪婪。無厭一飽。以足其生。冒進無恥。死而無悔者也。是無豺蝎之著名。而其毒滋蔓。雖微芒小醜。而治之尤難。徒使人攘臂扼腕。而無可柰何者也。雖然。伏戎于莽。高陵弗升。綢繆。牖戶。則莫予侮。况夫金風扇而寰宇清。玉露凝。

而煩暑降。且將蕩爲遊塵。而嘿類無復有矣。由
足樽俎。可以合歡。琴瑟以之靜好。金屏繡幙。侈
仙苑之歌聲。孫臏韓檠。結幽人之雅趣。豈不爲
有生之一大快哉。乃知雲景效祥。而陰靈斯伏。
鳳圖獻瑞。而鵠鳥吞聲。所以元凱登而四兇無
虞。其在位。周召相而三叔不患。其盈朝。在備之
有道侯之有時耳。故其潛奸於內。則房幃禁闥。
多曖昧之端。煽亂于外。則戎狄草莽。基芒刺之

冀所謂乘間竊發者也。是以君子慎防之密。毋
嚴於暗室。屋漏之中。廓清之艱。尤進於昆蟲草
木之化。後之覽者。亦將有感於斯蚊。

螢蚊判

滑稽生

夏之世。一日有螢氏。身性光明。因時隱見。一日有蚊氏。利口長舌。專務譏刺。鄉曲一夕。二氏相遇。爭道反唇相譏。螢曰。長喙子。胡事遑遑。入室升人堂。非姦卽盜。何足以臧。蚊曰。光尻子。爾何踽踽涼涼。繫瓠瓜守林塘。假作光明模樣。螢曰。是故惡夫佞者。禦人以口給。屢憎於人。蚊曰。汝毋憎。我口給汝。何知我富貴。軒藏穿內閣。擊

幘上方牀。無論多嬌殊色。盡爲我炮鳳烹羊。子
孰與我。曰不如子。碧紗窗。蛟鮪帳。我安居則臥
者。妍妍一怒。則諸人忙。子孰與我。曰不如子。
黃金屋。白玉堂。我結朋聯黨。一任佯狂。子孰與
我。曰不如子。蚊曰。此三者。汝皆出吾下。而名加
吾上。何也。螢曰。三者皆汝之罪。何用德色。吾試
汝三罪。以及吾德可乎。汝口銳神矛。浚人膏血。
是不仁也。將欲潛之反固。鳴之是不智也。終宵

營營達旦不寢是不節也。我則應時不愆。非信乎。與物不競。非仁乎。逢昏不昧。非智乎。避日不
明。非義乎。我具大德者四。汝負大惡者三。長喙
子安得與我並。有蚊氏猶雷吼爭訟不已。乃相
與質成於螻。螻土有蛙氏。有蛙氏紆青拖紫。列
兩部鼓吹而後進之。訊二犯於庭而判之曰。審
得有螢氏跡。肖流星名。降丹鳥光。雖不能周物。
明實足以自資。入暗室而不欺。類君子之有道。

懷明珠以應候。同至人之知幾。點點客衣。錯認
金蓮歸院落。星星樹杪。狼猜藜杖。下樓臺。帶火
隨風。含章泛月。囊沙徹夜。曾成車胤高名。暉燭
通宵。可比雲長大節。暮夜有螢。金吾不禁。審得
有蚊氏尖喙。細身投閒。抵隙長噓。短吸。乘暗幸
昏芒刺鋒針。利邁荆軻之七。雲屯鳥陣。衆逾淮
水之師。苟有過人。必知之。或中傷客。不悅也。擾
我遊仙之夢。栩栩難成。妬人文苑之思。便便奚

用瘠衆肥身而作孽。剝人益己以爲生。使王夷甫最好清談。雍容未得。雖蘇季子素稱舌辨。快捷難方。吮玉肌而皎花貌。尤作嬌鳴。刻香骨而露芳筋。未償奸志。利口已盈於衆口。宜揮帳下之青鋒。貪心不直於人心。應治淮陰之赤族。判訖有螢氏稽首謝。揚揚而去。有蚊氏飲泣出曰。嗟。喝咬人。自知天網所及。冥然莫逃也。遂俛首而碎屍於市云。

罵虱文

談一貫

嗟汝虱。汝爲生甚微。無爪甲。蟬竅跳躍。螫毒出。蚋蠅蚊蚊下。最爲昆蟲不齒。獨體溫澤而動舒。徐歛首。飭躬善韜避。樂親近人。尤不厭貧寒。安予獎陋。予始憐之。容汝長衣帶之間。近垢澤而親肌膚。成巢穴以繁子孫。三世一體。汝當予念也。詎意汝外巽而中慘。喙細而慾無厭。擒腴樂肥。探人毛竇。飽予膿鮮。乃已。使予愆儀于爬搔。

驚擾于夢寐甚所不堪垢膩如稽康臭穢如士
蔚咸汝之酷爲我辱予亦且弗汝責第福過災
生體重艱行予將唾取之磔汝身首摔裂爛嚼
無不至使汝無噍類汝亦奚怪予哉

蠱蚤相詬解

崔江予

蠱蚤者均血食於人者也。然蠱性緩而蚤性躁。故蠱得柔惡而蚤得剛惡焉。戰國時一日韓昭侯御便殿。有蚤入敝袴中。替嚙。昭侯大怒。披襟索之。甚急。蚤助躍三百而去。宦豎無以應。自取一蠱以磔之。蠱嫗不平。乃詈蚤曰。汝何爲哉。食人之食者。死人之難常道也。今日之禍。誰則尸之。良由汝入褰穿裳。往來迅疾。無少忌諱。以釀

成之耳。事敗之後，高蹤遠遁，滅其跡於已而嫁其孽於人。趨利避害，樂禍擇物，雖監廁冠裳之中，亦烏用生爲也？吾以此思，慙成疾，饑則皮毛隨風而靡，食則蠱脹而不能行，屢受其殃。時危不測，匪特吾軀將無蟻矣，蚤乃鞠躬而聽俟。詈畢，廼反聲曰：「予何過我之深？寸跡汝之所行，若有若無，或藏或出，陽韜陰晦，皆佚無極。富貴者，遠之貧，寡孝歎焉；貧者，樂肥，腹垂過膝，首下足。」

上步履艱。側禍至而不避難。生而不知尚。而營構巢穴爲子孫計。天下果稽康輩乎。查道儔乎。不爲紀昌王猛者幾希矣。二者紛競莫決。忽有夏國人號蚊中子。鼓翼而前解之曰。二子所遇固有幸不幸矣。雖然太柔則損。太剛則折。均所不免焉。脫附于屈原之體。入水能不溺乎。長於介推之身。入火能不焚乎。遇盲瞽者。澣濯于涸沸之中。靡才遺矣。若吾食人而不制于人。着物。

而不溺于物。聚則成雷。散則無迹。人作我息。人入我出。銛吸毛竇。翱翔八極。二子爲之次矣。奚相訢爲。蟲蚤聞之。五內俱裂。欲尚赤而不能。欲守黑而不及。

之七

卓吾先生編次

笑笑先生增訂

哈哈道士較閱

田家樂賦

沈周

田家快樂沒憂愁。門前稻子杳成樓。主人遇客
先呼酒。童僕逢人復可留。雨落兒童拖木屐。晴
乾婢子戴烏兜。有時一曲纔堪聽。月子彎彎照
幾州。田家快樂沒嗟吁。數椽茆屋儘安居。春養

花蠟俱衣服。夏日焚香檢佛書。秋養黃雞肥啄黍。冬舂白米有贏餘。朋友歡招堪置酒。山肴野蔌也相宜。田家快活真不俗。沉醉高歌自鼓腹。門前雞犬亂紛紛。地上桑麻花碌碌。父慈子孝兩心寬。兄友弟恭如手足。日高丈五睡正濃。占斷人間天上福。我見黎儂兩三人。塔背拘肩嬉笑行。山歌拍手更相和。傍花隨柳過前村。我見黎儂快活因。自說村居不厭貧。自有家邊田數

飲不用低頭俯仰人。雖無栢葉珍珠酒。也有清
醪三五斗。雖無猪羊大葷肴。也有魚蝦供素口。
雖無員眼與荔枝。也有葶薺共菱藕。雖無異供
好菜蔬。也有燒菜共醃韭。雖無歌唱美女娘。也
有村婦伴相守。雖無錢米來積蓄。不少飯兮不
少粥。煎鱗皮。強似肉。樂有餘。自知足。不能琴。聽
彈行。孝也爽。心不能棋。五花六直。慣能移。不能
書。牛契田。由寫有餘。不能畫。日念佛圖。滿壁掛。

花朝節。年年賞花。不曾缺。花前不放酒杯歇。風
雨時。唱歌酌酒。掩柴扉。牧童騎犢過村西。風生
窮笠。橫笛韻月明。夜船彩蟾餘光影。射有有無
酒隣家。借雪落天江上。漁翁罷釣還地。爐煙酒
坐團團。片片飛來。不覺寒。四時快活容易過。饑
來喫飯困來眠。米自舂。酒自做。紡綿花織大布。
野菜餽餽似肉香。炒豆鬆甜兒叫娘。有時車田
坂水漫。烏背鯽魚大小有。軟骨鮮甜真個肥強。

似勒魚共后首。杜洗麩。煨葫蘆。燒茱萸。落蘇。
蜆于清湯煮淡齏。蔥花細粟炙田雞。難比獐羊
與獐肉。時常也得口頭肥。自說村居無限好。自
有田段種瓜棗。自種槐花染頰黃。自種紅花染
紅襖。自有菜油能照讀。自有麥豆能登醬。自有
山園種細菜。不用掂斤去播兩。隣家過說家務。
不願小小貧。不願大大富。船大小。儘可渡牛自
有。不用顧且喫葷。莫教素黃脚雞。鏹裡泥添些。

鹽用些醋。買斤肉。細切。剝煨。芋。茹。煎豆腐。沉沉
喫到日。將茶。深缸湯。軟草鋪。且留一宿。到明朝。
這般快活。恒千古。

偷閒論

獨醒居士

東谷子云。造化之於人。不斲於功名富貴。而獨斲於閒。天地之間。機發輪轉。無一息停焉。天地且不得閒。而閒豈人之所易得哉。第貧賤營營迫於遇也。無怪其然。云主于高爵厚祿。清資顯報。不患不足也。而患不知足。不患窘阨也。而患遇求勝。弗思易壞者身。難厭者心。不息者世故。柰何。令一日十二時。無片不得暇乎。由計巧心。買

田營者不獲一見而身先亡者有矣。又有士大夫被劾之餘。陽以高潔自許。潛作搖尾乞憐之言。于于時求進之牘。囊篋銷鑰。惴惴於手。收放薄書。介介于懷。所謂好山好水。清風明月。何嘗見此光景。縱或見之。何嘗識此旨趣。忡忡役役死而後已。若夫富家翁守錢。房又不足道也。故曰不是閒人。閒不得。閒人不是等閒人。

漁樵角勝

袁石公刪改

漁樵二人一日會言於綠楊樹底各誇其樂。漁
曰。我臨我船。月樵曰。我細切清風。漁曰。我食水
秀。樵曰。我愛山青。漁曰。你且休言。待我吟詩問
你。漁云。釣罷歸來不繫船。江村日落正堪眠。縱
然一夜風吹去。只在蘆花淺水邊。樵云。深山靜
坐遣情懷。獨步閑行石上崖。悶時爐中看煉藥。
閑從山下掃松柴。黃毛猛虎堪爲伴。白面猿猴

厭來。獨坐夜深觀皓月。逍遙勝似步金堦。漁
曰。我有一首楊柳詞。聽我道來。小小船兒又無
舵。一領蓆搭撒破。釣得魚兒兩三箇。閑來拿
去街頭賣。飲罷香醪醉且臥。寬懷過乾坤有分
神仙做。樵曰。你莫道高。我有一首西江月。聽我
道來。夜宿崖溪古廟。朝行山野荒村。閑來無事
掩柴門。淡飯黃齏一頓。不修與。衰成敗。隨緣且
度朝昏。是非任我絕談論。且做生前混沌。漁曰。

我有新詞一首。且道春天景物。東風解凍清光透。三陽開泰。春光厚。桃花映水紅光潤。真可與。見了些白鷺青鸂鶒。閑打鬪。簑衣斗笠無新舊。不戀金章和紫綬。若把青山比水秀。担柴壓得客顏瘦。多也勾。少也勾。舉棹輕搖觀水秀。樵曰。我亦有新詞一首。單道春天景物。窩居茅屋第山深。一到春來。色色新。高林禽鳥驚樵子。最善的。是吹面不寒楊柳風。雖然斧担永相從。強似朝

班聽晚鐘。若將水面比山中。船小舟輕最怕風。
把眼睜睜色色新。紫陌紅塵一片青。漁曰。你不
知我夏天受用好處。夏天六月薰風滿。惟有漁
翁好消遣。榴花映水紅光顯。頻蕩槳。艇賓幾處
笙歌响。或是下釣或下網。強如姓字題金榜。笑
樵子不如俺。肩上一担柴。血如汗。多不趙。少不趙。
五湖四海時時玩。樵答曰。我夏來。有甚不如你。
聽我道。夏至一臨纔數伏。桑榆柘柳尚撲撲。野

杏山桃顚熟真可欲伴了些桂栢青松君子
竹打得柴來喚酒肉不去朝中貪俸祿我笑漁
翁忙促促船小舟輕怕風撲多不足少不足萬
丈深山一片綠漁曰你不知我秋天受用更好
水白風清秋令節舉棹去把紅蓮折紛紛船上
數絲葉真可悅幾度搖船熬歲月紅蝦紫蟹錦
鱗魚不向紫袍金帶闕大担擔柴何時飲多不
悅大江東去浪千疊樵答曰我到秋來有甚不

如你。颯颯金風。諸葉墜。開花野草多狼狽。惟有
竹梅顏不退。寒不畏。只聽賓鴈空浪唳。三朋四
友終朝聚。不去朝中呼萬歲。俺笑漁翁真可累。
連陰久雨。遭顛沛。喫一會醺醺醉。月明千里映
山翠。漁曰。到冬來更有好處哩。冬至一陽纔數
九。撐着船兒沿河走。紅日灘頭不動手。呼朋友
尋幾個。無拘無束。烟波裏打得魚來喫新酒。不
去朝街呼頓首。我笑拙拙夫。真箇醜。急急好似喪

家狗多也。守少也。守見了些魚精水。怕番筋斗。
樵曰。我冬來。你不知我的妙處。春夏秋冬四季。
短閑時打柴。忙時趲。燒得火來。渾身煖。茅艸鋪。
床勝綿軟。埋名隱姓。無凶險。淡飯黃齏。喫幾碗。
不戀白頭與象簡。這箇漁翁。不如俺。冰凍水寒。
難下網。貧無驕富。無諂。萬丈青山。駛來染。問荅。
之間。只見林中一道人走出。便問二位姓甚名。
誰。爲何雄辯爭強。兩人不相應對。漁曰。我貪水。

秀果却金花象簡。樵曰：我愛山青，不戀紫袍金帶。漁曰：我有撥天關，手段不去金殿埋絲綸。樵曰：我有搖地府機關，且共山童問荅話。漁曰：我腹下朝靴穿艸履。樵曰：我解開金帶繫麻絛。漁曰：我手執洪綱。樵曰：我腰橫潤斧。漁曰：我長竿夜釣宮牆月。樵曰：我短笛橫吹楊柳風。樵又曰：我大斧劈開生死路。漁曰：我長竿撥散是非門。二人問荅不已。道人曰：一個歸河，不愛天子節。

一個人入山去。躲身邊。厄水秀山青。自古道。二人
休把詩篇說。一個採樵。只爲衣食缺。一個釣魚。
不過挨歲月。那個能強。那個拙。都是九霄雲外
客。二人復吟詩一首。各辭而退。詩曰。非是漁樵
閑論揚。只嘆浮生不久長。要知漁樵名與姓。二
人范蠡與張良。

惠山景白

龍山樵客

人間好話說不盡。天下名山僧占多。貧僧乃是
無錫縣惠山寺。一個住持的是也。常年大開祝
聖都道場。自正月而始。三月而止。或有鄰近地
方良家子女。各府州縣公子貴商。皆來赴會。解
厄延生。真個是名山勝景。諸福無窮。但見輕風
淡淡。瑞日融融。碧油油芳草齊抽。漸覺陽和隨
地轉。語間間流鶯初至。報將春信。看天來曲徑

芳艷濃葩萬十紅散綺。茂林修竹鎖重重。萬綠
圍雲九萬峰。下金勒。驥駒嘶曉日。五嶽樓前珍
珠酒。柳捲東風五里街。頭挑擔着琵琶蹴鞠。金
彈雕弓來的來。去的去。都是風花雪月之人。二
泉亭畔。擺列着茶爐酒甕。方勝春羅歌的歌吟。
的吟。盡是詩酒琴棋之客。但見白雲堂。漪瀾堂。
掃拂得乾乾淨淨。無半點塵埃。已見名山勝槩。
又見尚書祠。孝子祠。修理得齊齊整整。自萬年

氣象端的是盛世先賢羅漢泉邊有秀亭青鬱
鬱掛孤鴻巢野鶴。一千年的長松落落。仙人頭
口有翠稜煙冉冉。鎖蒼苔。繞碧筠。萬萬層的怪
石礧礧。禪悅庵。聽松寺。高低松杉掩樓臺。祠塘
涇。大德橋。南北舟航堆隴陌。佛殿上有一班遊
僧老衲。用着冥錢聖馬。設供修齋。鳴起鐘。擊起
鼓。齊拜念梁王懺。山門下有無數遊手閒郎。將
這玩器佳器。攤場招賭。呼着三。叫着四。齊喝采。

喜神方有一條民座船。玲瓏剔透。駕浮樓。盡是
富家子弟。挾妓追歡。有一樣太師轎。軟幹輕風。
飄翠蓋。都是林下閒官。詩僧適興。登惠山之頂。
望太湖之波。遠則東膠山相對。西膠山華藏灣。
石皮嶺。安錫峰。僊女塚。諸山如虎踞。近則南禪
寺相對。北禪寺。洞虛宮。妙閣觀鐘鼓樓。尊經閣。
萬屋似蚶齊。正是天開圖畫江。山麗地萃膏。興
花。草香。

祛倦鬼文

申時行

歲丙辰久荒於嬉。將理業時。手稿一編。輒復困倦。倦則復廢書。如是者累月。昔人云。人精強則神輔之。困憊則鬼入之。是誠有倦鬼耶。柳罵三尸。韓逐五窮。良有激也。矢文以祛之。詞曰。噫。吾語汝。大塊委蛻。洪鈞鑄形。孕精毓秀。篤生斯人。攝以陰陽。調以五行。充以元氣。運以元神。戴圓履方。含聰畜明。壯以肱股。利於屈伸。五官奉職。

幅。寄。康。寧。昔。在。神。出。屏。底。如。錯。亦。越。姬。文。宴。朝。
及。吳。公。旦。几。几。夜。以。繼。日。宣。父。皇。皇。不。寢。忘。食。
彼。誠。至。人。爾。不。能。入。予。獨。何。辜。爾。不。相。恤。維。爾。
之。來。默。默。冥。冥。非。虺。非。螫。無。狀。無。聲。不。寢。而。夢。
不。醉。而。醒。不。疾。而。疲。不。嘆。而。呻。若。浮。雲。而。未。墜。
若。負。重。而。莫。勝。入。人。之。首。倏。焉。如。兀。欲。仰。更。俯。
求。昂。反。屈。若。南。郭。子。俛。几。而。坐。北。宮。子。喪。志。而。
出。入。人。之。目。若。眩。五。色。注。睫。欲。昧。回。瞬。成。黑。如。

昌黎之昏花步兵之眼。白入人之手。如華如維。
將掉臂而徙倚。欲撫掌而離披。墜何郎之筆。落
司馬之杯。入人之足。如糾如纏。欲舉武如超乘。
比寸步於登天。李白安能脫靴於內陛。謝安何
以曳屐於東山。至若青緇浩牘。玉筍陳編。誦不
能句。讀未終篇。惟爾一至。令人茫然。如右軍之
坦腹。靖節之高眠。又若汪洋奧義。佶偲微言。凝
思注想。欲探其玄。自爾一至。忽若澶漫。如尹文

之坐幻達麼之逃禪。凡此之類。倦態不一。寔爾
之故。伊予之感。吾欲終南制汝而不能。越巫索
汝而不得。吾將抽戈淬刃。懸桃薦棘。出子於蒼
泱之野。渡子於逍遙之域。子胡不歸爾之樂土。
而顧留我之胸臆。速去速去。無留我側。言訖坐
而假寐。見有一人。揚揚然勃勃然。雖肩弛臂垂。
頭曳踵而來。顧余言曰。我非爾仇。爾胡我責。適
聞言。言令我氣噎。爾不聞大明升而羣陰伏乎。

天君王而百體從乎。蟬蛸之出必以陰冥魑魅
之見必以無人。呂雉衰而蒼犬撼腋。晉侯蠱而
黃熊入門。使爾神定而無隙。吾安能於爾乎。見
侵爾志則不立。而我是咎。學則不專。而我是嘆。
何責人之苛。而恕己之昏歟。吾以安靜爲體。柔
廢爲形。入乎優游之室。憩乎偃仆之林。不與精
强者爲伍。而與懈怠者爲朋。銳健者。吾卽與之
絕。安閒者。吾卽與之親。昔者董子下帷。吾不窺

其慕孫生閉戶。吾不行其庭。季子持錐。吾即避
其銳。匡衡竊照。吾不掩其明。又如寒棲雪案。影
伴螢燈。啖黃蠶而不飽。撫圓枕而長驚。若此者。
吾即挈風而去。寒裳而行。惟有貴介之子。落魄
之夫。食厭梁肉。服羞綺羅。游娛既暇。歌舞方餘。
徙倚高堂。燕坐華居。思憇息而少安。甚與我而
相宜。又有思童下土。惡習詩書。便目前之逸樂。
忘腹中之空虛。絕想青雲之驪閣。過白日之駒。

每欠伸而無措。遂與我而相依。蓋我畏避者如
彼。而狎暱者如期。吾輩入汝絳室。窺汝靈臺。銀
海茫洋。玉樓咫尺。心隨鴻鵠以俱往。神脩蠅蝶
而飛來。吾乃解汝繫絡。弛汝形骸。雖一見而顛
倒。猶回顧而徘徊。爾胡不自反而徒咎我爲。謂
我鬼耶。則宣室之談不及。欲我祛耶。則鬱茶之
令誰何。爾胡不勵精以爲刃。淬志以爲戈。銳意
以爲棘矢。殫力以爲桃弧。吾卽與子而永絕。安

能復受子之刀刀乎。言已不見。余亦驚覺。神耶
鬼耶。乃爾訓告。振衣展日。敬謝聞教。

譴睡魔文

顧彥夫

予初不好睡。鼓再鳴而寢。雞三唱而起。率以爲常。計之二十餘霜矣。乃者後卯而興。先寢而寢。卯戌之間。豈宜復有事於衾枕哉。然行亦思睡。坐亦思睡。憊如憊。如憊如憊。雖無醉而若酒。客亦有知其然者。謂予曰。此睡魔作祟也。昔韓昌黎作送窮文。子亦能文者。可以文而譴之與。因呼睡魔而告之曰。睡魔睡魔。爾胡不仁。疲我肢體。亂我

精神頭容宜直。使我點頭而頻頻。目容宜端。使我
我眩目而昏昏。展經史而莫辨。索義理而難真。
德業自此而終圯。學問何由而增新。周公之旦
不可待。孟子之心不可存。宰予之朽木不可雕。
魏文之古樂不可聞。睡魔睡魔。爾胡不仁。告之
未幾。又復爲睡魔所迷。夢有跣足而蓬首者。語
予曰。我卽睡魔也。爲先王誣。敢自白之。曰。惟先生
爾實不智。我非魔。爾爾實自棄。若能嘉爾誅猷。

高爾造詣以天下第一等人物自期以天下第一等事功是志。瀉江河於筆端。飽古今於胸次。我覽笑爲其惟遐避爾。昏爾劣我斯爾。戲君不觀諸木乎。木腐則蟲。又不觀諸國乎。國亂斯戎。我不爾尤。尤我何庸。況窮與困遭。困與窮逢。亦理勢宜然。吾何降于灾凶。予聞之。肅容謝曰。魔哉。魔哉。我不知爾。爾實知我。我因爾言改圖。可乎哉。不可乎哉。魔卽叩頭曰。改過不吝。湯之所

以王罔懲其侮。糾之所以亾。爾誠加初年之銳。戒中歲之荒。則激昂青雲。夫誰敢當。如鑑垢重。磨愈久而彌光也。予乃拔劍砍案。厲聲而誓之。曰。所不如魔言。有如此案。魔泣曰。測爾之志。諒不可移。三載從游。遽從此辭。而今而後。吾將疇依。言訖。不知所之。予亦惕然驚悟。於是拂衣出戶。時已白日中天。雞聲唱午。

開惑篇

空明子謂弟子曰。士宦之大惑有三。細民之大惑有二。弟子曰。請問三惑。曰。三惑者。貪爲之也。一曰以鑑士相貌。二曰以星家議命。三曰以堪輿測地理。夫相。荀子亦非之詳矣。如曰仲尼面如蒙。周公身如斷菑。皐陶色如削肌。闔天面無見膚。傳說身如植鰭。伊尹面如鬚麋。皆不害爲至聖。迺桀紂長巨秀美。天下之傑也。筋力勁

越百人之敵也。然身死國亡。爲天下僂。則相之不足憑也。命呂才論之。確矣。如曰同年同祿而貴賤懸殊。共命共胎而夭壽更異。則命之不足憑也。地理吳起言之當矣。如曰三苗氏左洞庭。右彭蠡。德義不修。禹滅之。桀左河濟。右泰華。伊闕在其南。羊腸在其北。脩政不仁。湯放之。紂左孟門。右太行。常山在其北。太河經其南。脩政不德。武王殺之。則地險不足憑也。故此三者出於

賢聖之口猶未可遽信。矧今之術此者乎。乃士
宦卒不免爲之惑者。何也。貧則思富。富則思貴。
貴則思壽。富貴壽得矣。又思以遺其子孫。故役
役焉終日謀之。而不知其惑于貪也。愚以爲與
其相貌不若。相心與議命不若。議德與其規風
水之蔭不若。培清白之聲。於是弟子逡巡避席
而唯。請問二惑。曰。二惑者。愚爲之也。一曰過信
巫以祈疾。二曰媚佛事以干福。夫人之有疾不

過暑寒燥濕辛甘之不調此良醫之事於巫何
干而小人不知也昔扁鵲得罪宋君出亡之衛
衛人有病將死者扁鵲之其家謀治之病者之
父棄而不用廼使靈巫求福而病者已死今世
人之不爲衛父者寡矣則惑之甚者也語曰福
善禍淫故禍福靡常惟人所感佛雖慈悲普度
亦須以善格之不在供養靡文間也廼小人不
顧逆順競爲譴瀆如大奸大盜且有陟普陀綿

竹之門而希長生。裕以福者。嗚呼。佛誠受人欺
妄者哉。於是弟子聞空明子言。僉曰。士宦惑於
貧矣。細民惑於愚矣。嗚呼。世比自溺。我獨清。舉世皆
醉。我獨醒。夫子之謂乎。

扯淡歌

杜

係持字中上聲
裂也

伯溫劉基

悶向牕前觀通鑑。古今世事多參徧。興亡成敗多少人。治國功勲經百戰。安邦名士計千條。北邙山下無打笑。爭名奪利一場空。原來都是精扯淡。

老漢閑暇無事幹。胡謔幾句將人勸。作了一篇扯淡歌。遺下留與後人看。自從三皇五帝起。筆來都是精扯淡。堯舜禹湯並桀紂。文王武王周

公旦渭水河邊請太公垂釣只用七尺線扶立
周朝八百年笑來也是精扯淡聖人三千徒弟
子陳國絕糧遭饑險臨潼會上說子胥舉鼎千
斤救主難鞭伏展雄來皮豹一十八國都走遍
其後鞭屍楚平王吳門曾把頭來獻看了春秋
這夥人笑來都是精扯淡吳國係子作兵書十
二國出鍾無鹽李牧廉頗共白起每日南征與
北戰孫臏龐涓拜弟兄則是爲仇結成怨蘇秦

張儀並王剪三人撥的天關轉。范雎遠交近攻。謀天下六國都侵逼。至此一統屬始皇。天下人民纔不亂。李思趙高起奸心。又把秦朝紀綱亂。南脩五嶺北長城。東填大海人人怨。嬴政死在沙丘城。包魚混屍精。扯淡霸王會上起雄兵。范增早把計來獻。先到咸陽爲皇帝。鴻門會上排筵宴。子房席間共陳平。二人定計扶劉漢。項莊項伯舞雙鋒。樊噲軍中救主難。漢王敗上褒州。

城張良燒了連雲棧。蕭何苦將韓信保。築壇拜
將定民亂。明修棧道度陳倉。唐捲三秦真好漢。
九里山前只一陣。霸王自刎烏江岸。英雄彭越
也遭誅。蕭何又將韓信賺。十大功勞化爲塵土。
央宮裡吃一劍。看了西漢這夥人。算來也是猜
扯淡。王莽酒鳩平帝死。二十八宿崑陽亂。光武
七歲走南陽。後起賊臣是蘇現。暗走河北王郎
子。赤眉銅馬都殺遍。千陵垂釣釣錦鱗。李廣開

月能射雁看了東漢這夥人等來也是精扯淡
再說三國許多般輩專權天下亂虎牢關上
呂布能又有三人能慣戰先主獨權共曹操諸
葛周瑜有神筭趙雲軍中抱太子翼德一聲喊
橋斷赤壁鏖兵用火攻破了曹兵一百萬呂蒙
定計取荊州龐統川中曾射箭六出祁山吊伐
勤七擒孟獲真罕見姜維九次犯中原等來也
是精扯淡鍾會鄧艾取西川司馬又將天下佔

東晉西晉與齊梁立破符堅兵百萬隋朝楊素
韓擒虎一陣又把江南陷再說神堯唐太宗世
民定政龍虎殿李密絕糧錦容城世宗洛陽城
池陷茂公敬請秦叔寶美涼州上曾跳澗仁貴
征東道他能黃巢殺人八百萬存孝力大能打
虎朱溫三弑焦蘭殿敬瑄底劉智遠五代殘
唐又反亂世宗坐在汴梁城希夷康節能會弄
一汴二杭三閩廣宋朝太祖真命見先有趙普

共曹彬扶持太祖平江漢真宗仁主作帝王寇
準韓琦定主難外有宋江與方臘內有蔡京與
童貫徽宗遭貶五國城大金又犯東京獻音飛
父子統雄兵只爲黎民遭塗炭秦檜朝中定計
謀三邊害了忠良漢大元太祖領雄兵世宗興
兵也不善一赶大金至北塞太祖匡州君臣散
止有忠臣文天祥志不屈膝死不怨從來大明
取大元天下豐登民不亂我見世間扯淡歌我

也跟着去扯淡。早辰扯淡直到晚天明起來又扯淡。掙的錢財過北斗。臨死掙的那一件。冷了。

問我要衣穿。饑了問我要吃飯。有人識破扯淡歌。每日拍手笑呵呵。過着作樂且作樂。得高歌。

處且高歌。古今興廢奔波苦。一總編成扯淡歌。

詩曰、脫却衣冠換布袍。儒風爭似道風高。石。

鼎漫煎茶味飲。泥爐爛煮菜根香。寧隨海上尋。

丹藥。不同名園種碧桃。看破浮生。真大夢一枕黃梁睡始覺。

呵呵令

布袋和尚

你道我終日裏笑呵呵笑着的是誰我也不笑
那過去的骷髏我也不笑那眼前的螻蛄第一
笑那牛頭的伏羲你畫什麼卦惹是招非把一
箇圓圓圖的太極兒弄得粉花碎我笑那吃草
的神農你嘗什麼藥無事尋事把那千萬般病
恨兒都捉起我笑那堯與舜你讓天子我笑那
湯與武你奪天子他道是沒有箇傍人兒覷覷

破了這意見也不過是箇十字街頭小經紀還
有什麼龍逢比干伊和呂也有什麼巢父許由
夷與齊只這般唧唧噥噥的我也那裏工夫笑
着你我笑那李老則五千言的道德我笑那釋
迦佛五千卷的文字乾惹得那些道士們去打
雲鐺和尚們去打木魚弄些兒窮活計那曾有
什麼青牛的道理白牛的滋味怪的又惹出那
達磨老臊胡來把這些乾屎橛的查兒嚼了也

又嚼洗了也。又洗又笑。那孔子曰。老頭兒你絮叨。說什麼道學文章也。平白地把好些活人都弄死。又笑。那張道陵許旌陽。你便白日昇天。也成何濟。只這些未了。精精兒到底來也。只是一箇冤苦的鬼。住住住。還有一笑。我笑那天上的玉皇。地下的閻王。與那古往今來的萬萬歲。你戴着平天冠。穿着袞龍袍。這俗套兒生出什麼好意思。你是去想。想苦也麼。苦。痴也麼。痴。

着什麼來由乾碌碌。大家喧喧攘攘的無休息
去去去。這一笑笑得那天也愁地也愁人也愁。
鬼也愁。三世佛也愁。那管他燈籠兒缺了半邊
的嘴。呵呵呵。這一笑。這一笑。你道是畢竟的笑
着誰。罷罷罷。說明了。我也不笑。那張三李四。我
也不笑。那土東八西。呀。笑殺了。他的咱却元來
就是我的你。

學呆歌

中峯祖師

一切文字皆可學。惟有呆字最難記。我是多年
要學呆。直至如今還未會。學得呆。勝佗倒。會打
官私家業廢。兒孫貧苦受饑寒。衣食難求方始
悔。道我呆。我不會。但願我呆呆。到底若有人來
呆似我。我便與他結兄弟。呆呆呆。呆人到底不
生。災世間多少虧心事。都是聰明弄出來。偈
曰。積財養子望心寬。子大財多轉不安。家業長

時人事洞世情濃處道心慳。日臻富貴添煩惱。
夜臥思量幾自般。到底盡從忙裏去做成家計。
別人看。

卷終